

Алматы қаласы Бостандық ауданы әкімі аппаратының "Б" корпусы мемлекеттік әкімшілік қызметшілерінің қызметін жыл сайынғы бағалаудың Әдістемесін бекіту туралы

## *Күшін жойған*

Алматы қаласы Бостандық ауданы әкімінің 2015 жылғы 28 мамырдағы № 05 шешімі. Алматы қаласы әділет департаментінде 2015 жылы 09 маусымда № 1169 болып тіркелді. Құші жойылды - Алматы қаласы Бостандық ауданы әкімінің 2016 жылғы 11 ақпандағы № 01 шешімімен

Ескерту. Күші жойылды - Алматы қаласы Бостандық ауданы әкімінің 11.02.2016 № 01 шешімімен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасының 1999 жылғы 23 шілдедегі «Мемлекеттік қызмет туралы» Заңына, Қазақстан Республикасының 2001 жылғы 23 қантардағы «Қазақстан Республикасындағы жергілікті мемлекеттік басқару және өзін-өзі басқару туралы» Заңына, Қазақстан Республикасы Президентінің 2000 жылғы 21 қантардағы № 327 «Мемлекеттік әкімшілік қызметшілердің қызметіне жыл сайынғы бағалау жүргізу және оларды аттестаттаудан өткізу қағидаларын бекіту туралы» Жарлығына, Қазақстан Республикасы Мемлекеттік қызмет істері және сыйбайлас жемқорлыққа қарсы іс-қимыл агенттігі төрағасының 2014 жылғы 29 желтоқсандағы № 86 бұйрығымен бекітілген «Б» корпусы мемлекеттік әкімшілік қызметшілерінің қызметін жыл сайынғы бағалау әдістемесінің 2 тармағына сәйкес, **Бостандық ауданының әкімі ШЕШТІ:**

1. Қоса беріліп отырған Алматы қаласы Бостандық ауданы әкімі аппаратының «Б» корпусы мемлекеттік әкімшілік қызметшілерінің қызметін жыл сайынғы бағалаудың Әдістемесі бекітілсін.

2. Алматы қаласы Әділет Департаментінде осы нормативтік құқықтық актінің мемлекеттік тіркелуі және Қазақстан Республикасының заңнамасымен белгіленген тәртіпте оның ресми жариялануы қамтамасыз етілсін.

3. Алматы қаласы Бостандық ауданы әкімінің аппараты осы шешімді интернет-ресурста орналастыруды қамтамасыз етсін.

4. Осы шешімнің орындалуын бақылау Бостандық ауданы әкімінің аппарат  
басшысы Р. Д. Искаковқа жүктелсін.

5. Осы шешім әділет органдарында мемлекеттік тіркелген күннен бастап күшіне енеді және ол алғашқы ресми жарияланған күннен кейін күнтізбелік он күн өткен соң қолданысқа енгізіледі.

**Әкім**

*B. Торгаев*

**Енгізеді:**

Персоналды басқару қызметінің

(кадрлық қызмет) бас маманы      С. Сатымова

Келісілді:

Аппарат басшысы      Р. Исекаков

Мемлекеттік-құқықтық

бөлімнің басшысы      Г. Мамбетова

Алматы

қаласы

Бостандық

ауданы

әкімінің

2015

жылғы

28

мамыр

№

05

шешімімен бекітілді

**Алматы қаласы Бостандық ауданы әкімі аппаратының  
«Б» корпусы мемлекеттік әкімшілік қызметшілерінің  
қызметін жыл сайынғы бағалаудың  
Әдістемесі**

## **1. Жалпы ережелер**

1. Осы «Б» корпусы мемлекеттік әкімшілік қызметшілерінің қызметін жыл сайынғы бағалаудың әдістемесі Қазақстан Республикасы Президентінің 2000 жылғы 21 қаңтардағы № 327 «Мемлекеттік әкімшілік қызметшілердің қызметіне жыл сайынғы бағалау жүргізу және оларды аттесттаудан өткізу қағидаларын бекіту туралы» Жарлығын іске асыру үшін әзірленді және Алматы қаласы Бостандық ауданы әкімі аппаратының «Б» корпусы мемлекеттік әкімшілік қызметшілерінің (бұдан әрі - қызметшілер) қызметіне жыл сайынғы бағалау жүргізу      тәсілін      айқындаиды.

2. Қызметшілердің қызметін жыл сайынғы бағалау (бұдан әрі - бағалау) олардың жұмыс тиімділігі мен сапасын айқындау үшін жүргізіледі.

3. Бағалау мемлекеттік әкімшілік қызметте болған әрбір жыл өткен сайын, көрсетілген мерзім басталған күннен бастап үш айдан кешіктірілмей, бірақ осы лауазымға орналасқан күннен бастап алты айдан ерте емес мерзімде жүргізіледі.

4. Қызметшілерді бағалау мыналардан:

1) қызметшінің тікелей басшысының бағалауы;

2) айналмалы бағалау (қызметшінің қарамағындағы немесе оның әріптестерінің бағалауынан тұрады).

Қызметшінің тікелей басшысы оның лауазымдық нұсқаулығына сәйкес өзі

бағынатын түлға болып табылады.

5. Бағалау нәтижелері бойынша қызметшілер қызметіндегі кемшіліктерді жою бойынша ұсыныстар әзірленеді, олардың қызметіндегі жақсартуды қажет ететін бағыттар айқындалады, тағылымдамадан өткізу, ілгерілету бойынша ұсныстар әзірленеді.

6. Қызметшінің соңғы үш жыл бойы екі «қанағаттанарлықсыз» деген баға алуы, оны аттестаттаудан өткізуге негіз болып табылады.

Аттестаттаудан өткізу туралы шешім қабылдау кезінде алдыңғы аттестаттаудан өткізуге негіз болған бағалау нәтижелері ескерілмейді.

7. «Қанағаттанарлықсыз» деген баға алған қызметші мемлекеттік әкімшілік лауазымға алғаш қабылданған тұлғаға тәлімгер ретінде бекітілмейді.

8. Қызметшінің қорытынды бағасын тұрақты жұмыс істейтін Бағалау жөніндегі комиссия (бұдан әрі - Комиссия) бекітеді, оны қызметшіні лауазымға тағайындау және лауазымнан босату қүқығы бар адам құрады.

9. Комиссия кемінде үш мушеден, соның ішінде төрағадан тұрады.

10. Дауыс беру қорытындысы Комиссия мүшелерінің көпшілік дауысымен айқындалады. Дауыс саны тең болған жағдайда, комиссия төрағасының дауысы шешуші болып табылады.

Аппарат басшысы Комиссия төрағасы болып табылады.

Комиссия хатшысы мемлекеттік органның персоналды басқару қызметінің (Кадрлық қызметі) (бұдан әрі - персоналды басқару қызметі) қызметкері болып табылады. Комиссия хатшысы дауыс беруге қатыспайды.

Егер Комиссия құрамына оған қатысты бағалау жүргізілетін қызметшінің тікелей басшысы, сондай-ақ осы Әдістеменің 4 тармағы 2) тармақшасында көрсетілген қызметшілер кіретін болса, олар осы қызметшіге қатысты дауыс беруге және шешім қабылдауға қатыспайды.

## 2. Бағалау жүргізуге дайындық

11. Персоналды басқару қызметі Комиссия төрағасының келісімі бойынша бағалауды өткізу кестесін әзірлейді.

Персоналды басқару қызметі бағаланатын қызметшіге, сондай-ақ осы Әдістеменің 4 тармағында көрсетілген тұлғаларға бағалау жүргізілетіні туралы хабарлайды және оларға бағалау өткізуге дейін бір айдан кешіктірмей толтыру үшін бағалау парагын жібереді.

### **3. Тікелей басшының бағалауы**

12. Тікелей басшы осы Әдістеменің 1 қосымшасына сәйкес нысан бойынша бағалау парагын персоналды басқару қызметінен алған күннен бастап үш жұмыс күні ішінде толтырады, қызметшіні толтырылған бағалау парагымен таныстырады және екі жұмыс күні ішінде толтырылған бағалау парагын персоналды басқару қызметіне қайтарады.

Қызметшіні толтырылған бағалау парагымен таныстыру жазбаша немесе электронды нысанда жүргізіледі.

Қызметшінің танысадан бас тартуы құжаттарды Комиссия отырысына жіберуге кедергі бола алмайды. Бұл жағдайда персоналды басқару қызметінің қызметкері және тікелей басшы танысадан бас тарту туралы еркін нұсқада акт жасайды.

#### 4. Айналмалы бағалау

13. Айналмалы бағалау қызметшінің қарамағындағы адамдардың, ал қарамағындағы адамдар болмаған жағдайда - қызметші жұмыс істейтін құрылымдық бөлімшеде лауазымды атқаратын адамдардың (олар болған жағдайда) бағалаудың білдіреді.

Мұндай адамдардың тізімін (үш адамнан аспайтын) қызметшінің лауазымдық міндеттері және қызметтік өзара әрекеттестігіне қарай персоналды басқару қызметі бағалау жүргізілгенге дейін бір айдан кешіктірмей анықтайды.

14. Осы Әдістеменің 13 тармағында көрсетілген тұлғалар осы Әдістеменің 2 қосымшасына сәйкес нысанда бағалау парагын толтырады.

15. Осы Әдістеменің 13 тармағында көрсетілген тұлғалардың толтырылған бағалау парагы оларды алған күннен бастап екі жұмыс күні ішінде персоналды басқару қызметіне жіберіледі.

16. Персоналды басқару қызметі осы Әдістеменің 13 тармағында көрсетілген тұлғалардың орта бағасын есептейді.

17. Осы Әдістеменің 13 тармағында көрсетілген тұлғалардың бағалауды жасырын түрде жүргізіледі.

#### 5. Қызметшінің қорытынды бағасы

18. Персоналды басқару қызметі қызметшінің қорытынды бағасын мына формула бойынша Комиссия отырысына дейін бес жұмыс күнінен кешіктірмей есептейді:

$$a = b + c$$

мұнда a - қызметшінің қорытынды бағасы,  
b - тікелей басшының бағасы,

с - осы Әдістеменің 13 тармағында көрсетілген тұлғалардың орта бағасы.

19. Қорытынды баға мына шкала бойынша қойылады:

26 баллдан төмен - «қанағаттанарлықсыз»,

26-дан 33 балға дейін - «қанағаттанарлық»,

33 балдан жоғары - «тиімді».

## 6. Комиссияның бағалау нәтижелерін қарауы

20. Персоналды басқару қызметі Комиссия төрағасымен келісілген кестеге сәйкес бағалау нәтижелерін қарау бойынша Комиссияның отырысын өткізу<sup>ді</sup> қамтамасыз

е т е д і .

Персоналды басқару қызметі Комиссияның отырысына мына құжаттарды:

1) толтырылған тікелей басшының бағалау парагын;

2) толтырылған айналмалы бағалау парагын;

3) қызметшінің лауазымдық нұсқаулығын;

4) осы Әдістеменің 3 қосымшасына сәйкес нысан бойынша қорытынды баға көрсетілген Комиссия отырысы хаттамасының жобасын тапсырады.

21. Комиссия бағалау нәтижелерін қарастырады және мына шешімдердің бірін шығарады:

1) бағалау нәтижелерін бекітеді;

2) бағалау нәтижелерін қайта қарайды.

Бағалау нәтижелерін қайта қарау туралы шешім қабылдаған жағдайда Комиссия хаттамада тиісті қысқаша түсіндірмемен бағаны түзетеді:

1) егер қызметшінің қызмет тиімділігі бағалау нәтижесінен көп болса, бұл ретте қызметшінің қызмет нәтижесіне құжаттамалық растау беріледі;

2) қызметшінің бағалау нәтижесін санауда персоналды басқару қызметімен қате жіберілсе.

Бұл ретте қызметшінің бағасын төмендетуге жол берілмейді.

22. Персоналды басқару қызметі бағалау нәтижелерімен ол аяқталған соң бес жұмыс күні ішінде қызметшіні таныстырады.

Қызметшіні бағалау нәтижелерімен таныстыру жазбаша немесе электронды нысада жүргізіледі.

Қызметшінің танысудан бас тартуы бағалау нәтижелерін оның қызметтік тізіміне енгізуге кедергі бола алмайды. Бұл жағдайда персоналды басқару қызметінің қызметкері танысудан бас тарту туралы еркін нұскада акт жасайды.

23. Осы Әдістеменің 20 тармағында көрсетілген құжаттар, сондай-ақ комиссия отырысының қол қойылған хаттамасы персоналды басқару қызметінде сақталады.

## 7. Бағалау нәтижелеріне шағымдану

24. Комиссия шешіміне қызметшінің Қазақстан Республикасы Мемлекеттік қызмет істері және сыбайлас жемқорлыққа қарсы іс-қымыл агенттігінің Алматы қаласы бойынша департаментіне (бұдан әрі - Департамент) шағымдануы шешім шыққан күннен бастап он жұмыс күні ішінде жүзеге асырылады.

25. Департамент қызметшіден шағым түскен күнінен бастап он жұмыс күні ішінде шағымды қарайды және бұзушылықтар анықталған жағдайда, мемлекеттік органға Комиссия шешімінің күшін жою туралы ұсыныс жасайды.

26. Қабылданған шешім туралы ақпаратты мемлекеттік орган екі апта ішінде Департаментке береді.

«Б» корпусы мемлекеттік әкімшілік  
қызметшілерінің қызметін жыл  
сайынғы бағалаудың әдістемесіне  
1 - қосымша  
нысан

## Тікелей басшысының бағалау параграфы

Бағаланатын қызметшінің Т.А.Ә. (бар болған жағдайда):

## Бағаланатын кызметшілінің дауазымы:

№	Р/Н	Өлшем	Көрсеткіштің мәні (саны)	Бага (балл)
1.		Бастамашылығы	2-ден 5-ке дейін	
2.		Лауазымды міндеттерін орындау сапасы	2-ден 8-ге дейін	
3.		Әрекеттестікке икемділігі	2-ден 5-ке дейін	
4.		Қызметтік этиканы сақтауы	2-ден 5-ке дейін	
<b>БАРЛЫГЫ</b> (барлық бағалардың бағасы)				

Таныстым:

Кызметші

Т.А.Ә. (бар болған жағдайда)

Тікелей басшы

- Т.А. Э. (бар болған жағдайда)

күні \_\_\_\_\_  
қолы \_\_\_\_\_

күні \_\_\_\_\_  
колы

«Б» корпусы  
қызметшілерінің  
сайынғы  
2 - қ о с ы м ш а  
нысан

## Айналмалы бағалау парағы

Бағаланатын қызметшінің Т.А.Ә. (бар болған жағдайда): \_\_\_\_\_

Бағаланатын қызметшінің лауазымы:

№ р/н	Өлшем	Көрсеткіштің мәні	Бага (балл)
Бағынышты адам			
1	Жұмысты жоспарлай алу қабілеті	2-ден 5-ке дейін	
2	Жұмыска ынталандыру қабілеті	2-ден 5-ке дейін	
3	Қызметтік этиканы сактауы	2-ден 5-ке дейін	
<b>Барлығы</b> (барлық бағалардың бағасы)			
Әріптесі			
1	Топта жұмыс істей алу қабылеті	2-ден 5-ке дейін	
2	Қызметтік этиканы сактауы	2-ден 5-ке дейін	
3	Лауазымды міндеттерін орындау сапасы	2-ден 5-ке дейін	
<b>Барлығы</b> (барлық бағалардың бағасы)			

«Б» корпұсы мемлекеттік әкімшілік  
қызметшілерінің қызметін жыл  
сайынғы бағалаудың әдістемесіне  
3-қосымша  
Нысан

## **Бағалау жөніндегі комиссия отырысының хаттамасы**

(мемлекеттік орган атауы)

№ р/р	Қызыметшінің Т.А.Ә.	Тікелей басшының бағасы	Айналмалы баға	Корыттынды баға
1				
?				

Комиссия қорытындысы: \_\_\_\_\_

Тексерген:

Комиссия хатшысы: Күні:

(Т.А.Ә., қолы)

Комиссия тұрағасы: Күні:

(Т.А.Ә., қолы)

Комиссия мүшесі: \_\_\_\_\_ Күні: \_\_\_\_\_  
(Т.А.Ә., қолы)

© 2012. Қазақстан Республикасы Әділет министрлігінің «Қазақстан Республикасының Заңнама және  
құқықтық ақпарат институты» ШІЖҚ РМК